

唐
文
拾
遺

唐文拾遺卷之二十八

榮祿大夫三品頂戴前分巡廣東高廉道加四級臣陸心源輯
趙全泰

全泰敬宗時承務郎攝易州滿城令

唐承務郎前試左武衛兵曹參軍攝易州滿城
縣令趙全泰妻沛郡武氏墓記

夫人姓武常山真定人也其先宋武公後遷沛郡流
芳散莽得地皆榮祖顏皇趙州司馬父諫皇冀州司
倉叅軍簪冕承家琳瑯繼世夫人卽司倉之幼女也
恭守先訓爲婦柔和內撫遺孤外睦親眷其於孝行

難以具陳以竊厯元年七月廿一日卒於定州深澤
縣之官舍享年卅有六嗚呼哀哉有兒女五人男雉
相次哀號一絕悲感四隣卽以其年十月十六日遷
窆於定州西南卅五里新樂縣仁義鄉之原祔於先
塋礼也全泰官移此州纔餘一月旋聞疾困醫禱無
徵顧命之時後事無託關河阻遠奔赴不及痛一朝
而永隔重泉感平生而撫棺慟哭慮陵谷變遷刻石

紀其年代也

常山貞
石志

符載

全唐文六百八十八有傳

亡妻李氏墓誌銘 并叙

夫人姓李氏其流派出於天漢之一枝矣衛尉卿昇之孫吏部尚書曷之堂姪孫房州刺史暹之女凡婦之柔嘉茂淑組紉應對之事夫人備有焉加以敬恭長上誘納卑薄情禮周洽六姻睦然風韻孤遠不嬰常態中饋酒食外彈雅琴詠古詩鄙人褊吝陰有助不幸友落春秋三十六以貞元十一年三月十二日疾卒于尋陽是年四月廿一日權窆于德化鄉之北嶺元和七年八月七日載上天降禍荐丁豐罰扶護靈輿歸於鳳翔回得啟發祔于皇先姑之側禮也嗚

呼生展于敬養歿葬於舊鄉上不愧于三光下不畏
于九泉可謂始終婦道無罪悔矣男曰匡儒女曰上
清子攀號不遂哀纏茶蓼引農楊夫人育之於顛復
訓之於教義幾乎成立莫知所自庶足以慰幽魂焉
銘曰

浮江汧漢歸舊鄉已方甲穴掩玄堂千秋萬歲安未

央石
刻

薛存誠

全唐文六百九十三有傳

御史推勘不限東西奏

當司應受事推勘等臺中舊例及興元元年十月四日御史大夫崔縱重奏取侍御史殿中侍御史各二人共成四推猶以東西推爲名又各分京城諸司及道州府爲東西之限隻日則臺院受事隻日則殿院受事其中一人有故則同推便知者伏以所分諸司及府州爲限已定事若併至無例均分劇者則推鞫難精閑者則吏能莫試今請不以東西爲限亦不以取隻日隻日受事但請依舊請四推御史令輪環受事周而復始如此則才用俱展勞逸必均其餘應緣推事須有約勒若一一間奏慮煩聖聽勅下後請隨

事條流

唐會要
六十二

薛平

全唐文六百九十三有傳

禁掠賣新羅人口奏

應有海賊掠新羅良口將到當管登萊州界及緣海諸道賣爲奴婢者伏以新羅國雖是外夷常稟正朔朝貢不絕與內地無殊其百姓良口等常被海賊掠賣於理實難先有制敕禁斷緣當管久陷賊中承前不守法度自收復已來道路無阻遞相販鬻其弊尤深伏乞特降明勅起今已後緣海諸道應有上件賊

並賣新羅國良人等一切禁斷請所在觀察使嚴加
捉搦如有違犯便準法斷

唐會要
八十六

高元裕

全唐文六百九十四有傳

丞郎拜食先牒臺司奏

伏以近日丞郎以上官未就食之前時有稱疾便請
先出請自今合候對官遇延英開日有事要與宰臣
商量者卽請拜食後先出仍事須前牒臺司或年齒
衰遲不任每度就食者量許三度仗下後先出其餘
官不在此限如違請每月終一度具名聞奏

唐會要
二十五

李夷簡

全唐文六百九十四有傳

憲宗稱祖奏

王者祖有功宗有德大行皇帝戡剪寇逆累有武功
廟號合稱祖陛下宜當決在宸斷無信龔龔書生也
唐會要
十五

彈奏舉選限內請朝參奏

往貞元十二年四月中丞王顏元和元年三月中丞
武元衡奏兵部吏部禮部侍郎官每年舉選限內不
奉朝參又今年所造選格不詳勅文復請明日朝參

臣合彈奏

唐會要二十四

訪察諸道不法奏

諸使諸州有兩稅外雜率及違格勅不法事請諸道
鹽鐵轉運度支巡院訪察狀報臺司以憑聞奏冊府
五百

李紳

全唐文六百九十四有傳

唐故試太常寺奉禮郎趙郡李府君墓誌文

府君諱繼字興嗣晉陵府君口長子先口人裴氏出

也府君娶博陵口絳

缺四
字

壽六十一以元和口年三

月

缺四字

常州無錫縣寓居

缺八字

至十口年秋七月廿

有

缺五字

奉歸于長口百庶原陪祔

缺五字

君瑩之後七

十六步冬十一月

缺五字

嗚呼先兄有文學

缺八字

不仁

又絕其嗣有

缺九字

猶室嗚呼紳遠自淮

缺七字

淚血而

東之諸侯口為口事遠

缺四字

可恨者崔嬖以信丁巫

神不護靈旒口為痛哉敢誌於石用告幽壤謹誌

博陵不義不順不奔不譏明神有知終不得祔

石刻

李德裕

全唐文六百九十六有傳

奏回鶻事宜狀

右臣等見楊觀說緣回鶻赤心下兵馬多散在山北
恐與奚契丹室韋同邀截可汗所以未敢遠去今因
華封迴輿望賜仲武詔令差明辨識事宜軍將至奚
契丹等部落諭以朝旨緣回鶻曾忠效又因殘破歸
附國家朝廷事體須有存恤令奚契丹等與其同力
討除赤心下散卒遣可汗漸出漢界免有滯留如蒙
允許望付翰林約此意撰詔兼詔克恭未審

影宋本
會昌一

品集

請發陳許軍馬狀

右臣等商量賊中人心久合自變猶恐顧望河朔旬

月偷安陳許累有戰功軍聲甚振王宰年力方壯才略可稱委之征行必有殊效非惟破賊殲之膽足以堅鎮魏之心倘有先聲必當自潰望詔王宰自揀當軍馬步精兵除合留在鎮外並取河陽相衛路直抵磁州其在鎮兵馬委行敏權知仍差幹事判官一人留務未審會昌三年八月十一日同上

賜王宰詔意

用兵之難在於過險旣收要害便合成功故出井陘而趙師虜過成臯而吳寇殄得略陽而隴坻服入大峴而廣固平近則破鹿頭而翦蜀克鄢城而定蔡岬

初取天井大振威聲皆謂計日而取澤州指期而擒
劉稹頓兵危坂已涉二時日費殆過於千金途隘有
逾於九折士不宿飽人已告勞在朝公卿繼陳讜論
皆云卿之血屬質在賊中此一人之常情固當無隱
昔樂羊食子文侯見疑愛旣及於懿親義豈後於君
上若慮危害晏實未忍急攻但卿披誠朕必深恕卽
當與卿移鎮必使兩全如能大義滅親至誠體國捨
爾所愛建茲殊勲繼先王鐘鼎之榮傳子孫帶礪之
慶卽須厭塞公議早覆妖巢朕之報卿必異羣帥暑
潦將至農事已興偃武息人固難淹久深思朕意勿

更食言又知卿比留支兵守備萬善既分武力尤費
機謀今授劉沔河陽日臨寇境俾爲聲援常據要衝
卿旣進攻必無後慮勉當協力副朕至懷

同上

答侍郎十九弟書

天地窮人物情所棄雖有骨肉亦無音書平生舊知
無復弔問閣老至仁念舊再降專人兼賜衣服器物
茶藥至多開緘發紙涕咽難勝大海之中無人拯恤
資儲蕩盡家事一空百口嗷然往往絕食塊獨窮悴
終日若饑唯恨垂沒之年須作餒而之鬼十月末伏
枕七旬藥物陳裒又無醫人委命信天幸而自活聞

十一月二十日從表兄崖州司戶叅軍同正李德裕

狀侍郎十九弟

洪邁容齋續筆

遺段少常成式書

自到崖州幸且頑健居人多養鷄往往飛入官舍今

且作祝鷄翁爾謹狀

北夢瑣言

李渤

全唐文七百十二有傳

創置理匭使奏

伏準寶應元年五月勅給事中韓賞中書舍人楊綰
同充理匭使其時二人奏大理評事盧翰充判官又

準六典匭使常以御史中丞及侍御史爲之臺中人
吏強幹首列百司明勅特并入匭實同創置其官吏
手力食料紙筆委本司條流聞奏

唐會要
五十五

李聽

全唐文七百十三有傳

募馬備邊奏

請於淮南忠武武寧等道防秋兵中取三千人衣賜
月糧賜當道自招募一千五百人馬驍勇者以備邊
仍令五十人爲一社每一馬死社人共補之馬永無

闕

唐會要
七十二

胡季良

全唐文七百十三有傳

方山寶幢贊

并序

義不口國非忠也福不普緣非教也會昌口口年立
幢大居士陳君曰常進口處居家不口三界

缺四字

口生靈口僧白僧岳內閔菩薩外現聲聞建立寶幢
福延成性以此教救善住口遠口入口入菩提之門
今以淨願立存存之口誠口致口口之福也良工周
氏口口立石沓花臺勢轟梵史祇口口戶叨成也贊
曰

文殊取經大帝宏教文德武功惟忠惟孝開張修相
闡口門要龍華口期口福口妙石刻

德本寺碑

按此文見陶宗儀古刻叢鈔題胡季良纂談
鐫吳興志亦云德本寺碑胡季良撰與全唐
文九百九十闕名之文大略相同惟立君之
立叢鈔作卽必無其跡之無叢鈔作垂達於
所亡之亡叢鈔作止落澗上叢鈔有同字永
躅下叢鈔有其石路與石橋之名相次不朽
二句餘皆同所據當別一本今存其目文不

錄

柳公權

全唐文七百十三有傳

尊毆卑議

尊毆卑非鬪也且其子在以妻而戮其母非教也

南

新書

筆偈

圓如錐捺如鑿只得入不得卻義是一毛出卽不堪

用

同上

聖慈帖

聖慈允許守官稍減罪責猶深憂懼續冀面言不一
一誠懸呈卅第處十四日敬空

伏審帖

伏審姊姊八月定發第與廿八弟同從行遠聞不勝
抃躍今日元七來望第速到極也願在路諮問不停
滯幸甚未卽展豁尙增悵悵不一一公權呈廿三弟
廿六弟廿八弟卅第處卅一弟意不殊前要小楷後
使送往空

赤箭帖

奉榮示承已上訖惟增慶悅下情但多欣愜垂情問

以所要悚荷難任儻有赤箭時寄及三五兩以扶衰
病便是厚惠不具公權狀白

辱問帖

辱問卻道及碑本兼虛獎逾涯但深反側因見趙張
如虛獎之說爲緣飾也幸甚不具公權呈

並淳化閣帖

時新帖

爪一顆時新第一割而嘗之味又甘好以表汝之孝
也明後至彼不悉耶告世四娘省

汝帖

年衰帖

公權年衰才劣昨蒙恩放出翰林守以閑冷親情屬

託誰肯爲響應惟深察公權敬白

同上

蘭亭帖

張蘭亭詩兼公權續得者亦埶上伏維檢領入篋餘
冀面話不次十一日公權狀上給事閣老閣下青標
輒換卻舊者謹空

蘭亭
續帖

題王大令送梨帖

因太宗書卷首見此兩行十字遂連此卷末若珠還
合浦劍入延平大和二年三月十日司封員外郎柳

公權記

三希
堂帖

謝人惠筆書

近蒙寄筆雖毫管甚佳而出鋒太短傷于勁硬所要
優柔出鋒須長擇毫須細管不在大副切須齊副齊
則波擊有憑管小則運動省力毛細則點畫無失鋒
長則洪潤自由頃年曾得舒州青練筆指揮教示頗
有靈性後有管小鋒長者望惠一一卽爲妙矣

天中記

吳臯

臯憲穆間臺史

按當爲盧坦官監察時御史臺令史有謂臺史卽今所謂屬吏者疑非

爲盧坦紀事銘

盧坦爲河南尉時杜黃裳爲尹然以受餉見疵也召
坦立堂下曰某家子與惡人游破產盍察之坦曰凡

居官廉雖大臣無厚蓄其能積財者必剝下以致之
如子孫善守是天富不道之家如不善守必恣其不
道以歸於人黃裳驚其言自是遇加厚臺史感而銘
曰 有燦者物有俛者欲投之而迷才也罔束維後
之艱維身之戮垢業迺盈冥數迺肅嗟彼嫩人朗焉
如浴識與天諂動與義屬利奚以乘害奚以局斷帶
齊瑩作獺比毒藏絲並暉受魚擬辱玉壺澄姿冰輪
逸躅子孫爾昌福祿爾足聞則憚心見則駭目我欲
行之炯誠是躅

十二硯齋
金石錄

韋辭

全唐文七百十七有傳

請停權麴奏

前使王公亮奏請權麴收其贏利將大上供臣到州
察訪自停加配閭里稍安人戶逃者亦漸歸復但藏
挾頗易挂陷頗多兼當州土宜少有麴麥州司遠處
求糴般運甚難伏請卻停權麴任商旅將至當州州
司准權酒元勅及洪州鄂州流例於州縣津市官酤
以代人戶配額

冊府五
百四

崔元略

全唐文七百十七有傳

軍使追人令移文牒奏

諸司諸軍諸使追府縣人吏所由及百姓等比來府縣除賊盜外所有推勘公事相關者皆行公牒近日多不行文牒率自擒捉禁繫之後府縣方知其中人吏所由亦有姦猾爲無憑據妄生推枉又難辨明其百姓等聽被追捕緣無公牒多加怨動致有逃匿今後望降勅旨應請諸軍諸使要追府縣人吏百姓等非盜賊外並令行移文牒所翼官曹免相侵擾

唐會要六

七十

李珣

全唐文七百二十有傳

徐行周五代同居奏

廬州舒縣太平鄉百姓徐行周叔姪兄弟五代同居

請免其同籍戶稅

冊府四百九十一

華景洞題名

郴州刺史李珏桂管都防禦巡官試秘書省校書郎

元允口會昌五年五月二十六日同遊時珏蒙恩移

郡之任桂陽校書以京國之舊邀引尋勝男前京兆

府參軍階進士潛譜楷從行

廣西通志

韋絢

全唐文七百二十有傳

戎幕閒談序

贊皇公博物好奇尤善話古今異事當鎮蜀時資佐
宣吐亶亶不知倦焉乃語絢曰能隨而紀之亦足以
資於聞見絢遂操觚錄之號爲戎幕閒談太和五年
十一月二十三日巡官韋絢引

本書

藏諸

諸文宗朝入

菖蒲澗記

菖蒲澗澗多菖蒲因名之自潭北入澗行經此新開

路東轉不啻一百步其間巨石疊倚嘉木交暎嵌空
森聳奇勢異狀綠苔青蒲印搭履跡捫手探足無非
蒼翠幽禽欣欣飛泉潺潺若有羽人僊客鼓瑟吹簫
於洞穴之中繇是使人心逸神暢恍然忘歸斯實方
外靈邃之佳賞也噫自有此澗杳無人蹤豈異夫浮
世之事通塞亦有時耶今鑿崖爲路梯石爲徑連延
抵于碧巖盤石之東究其澗分之所巖石亦有鐫字
開成四年十月廿三日武功男子藏諸記山房僧引
眞同尋澗路

金石苑

魏則之

則之文宗朝人朝散大夫試太子詹事兼監察御史

唐左神策軍護軍中尉副使兼左街功德副使

金紫光祿大夫右監門衛將軍上柱國高平

郡開國公食邑二千戶劉公故夫人宏農縣

君楊氏墓誌銘

并序

夫積慶者宜鍾乎介祉享祐者宜降以永年繆鑿若
斯根源靡究然修短之分豈造次而踰焉嗟乎月墮
仙娥星收婺彩花摧玉樹噫足悲哉夫人宏農楊氏
諱珽字瓊華京兆長安縣人也曾祖待賓皇昭武校
尉守綏州義合府折衝祖延祚皇任內飛龍底都判

官寶應功臣太中大夫行內侍省內常侍上柱國賜
紫金魚袋父惟良皇任華清宮使朝散大夫守內侍
省內常侍上柱國賜緋魚袋皆簪組傳榮衣冠弈弈
庸勲繼代諫譜詳諸夫人卽內常侍公之長女也坤
靈毓質蘭畹挺姿性稟冲和量懷溫雅詩書瞻曹家
之奧管絃精蔡氏之能婉嫕含貞宗族攸重三星始
見百兩爰來年洎初笄適于高平劉公漢潤齊眉等
貴合鵲聯輝相敬如賓和鳴並耀日來月往卅餘載
晨昏盥饋夙夜無違逮事舅姑益彰溫清因夫延寵
疏邑顯榮石窳之封固無慙德繇是閨門鬱郁素履

彌芳壺範聿修彤管稱美宜乎永諧宮徵終契百年
之歡樂往悲來旋徵二豎之夢膏肓有驗和扁無瘳
沉痾連絲委懣臻極以大和四年六月十一日卒于
輔興里之私第享齡五十有四粧奩遽閑香閣永辭
逝水不迴奄歸長夜嗚呼哀哉瓊枝忽墜鸞鏡徒懸
悼隔幽明痛深泉路兆卜先遠龜筮告從旌旒啟行
輜輶就引卽以此年十月廿九日遷窆于鳳城西之
龍首鄉龍首原禮也有子五人長曰仕仵子亭判官
太中大夫行內侍省內府局丞上柱國高平縣開國
男食邑三百戶次曰仕備朝議郎行漳王府叅軍上

杜國次曰仕侗中散大夫行內侍省內府局丞上柱
國彭城縣開國子食邑五百戶次曰仕僚次曰仕份
賜綠或超馳禁掖或叅貳王曹或委質宮闈或優遊
墳籍皆神形特立雋秀當時聲掩八龍價邁三虎茹
荼叩地瘡毀苦廬泣血絕漿孝伴曾閔攀號不逮孺
慕岡依感切風泉哀纏骨髓恐川成峻岳山變洪波
願刻貞珉庶旌盛烈銜悲見請竊愧謏才握管抒辭
多慙漏略銘曰

易讚坤靈詩美嬪則婦道母儀柔從淑克行標茂範
德播擇鄰事上盡敬撫下推仁宜昌百祿保壽千春

天胡不臧降禍茲辰宅兆何所鳳城西偏松檟云樹
曉夕凝烟楊葉蕭蕭馬鬣危危芳塵漸遠朗月空垂
刻石

陸畚

畚大和中人自號姑射處士

唐故試大理司直辛公墓誌銘

公諱幼昌字宏運其先隴西人曾父奉國開府儀同
三司豐州刺史天德軍使兼御史大夫上柱國隴西
郡蕭國公食邑三千戶贈工部尚書烈祖榮朔方節
度副使□會都知兵馬使兼御史大夫平陽郡王食

實封一百五十戶父□持節通州諸軍事守通州刺史兼御史中丞公累傳茂範藉振能名聰博機謩卓然宏異始總□郡會嬉戲之際識者目落落之清姿則駭謂固天縱也暨長□□□瀚墨撫缺十明示將來缺四荷□□□莫大之術者何璽金拖紫之崇貴得不坐而至乎何伏波定遠之□爵得不俯而置乎亦何俟矻矻伏膺然後爲學繇是六奇三略開闔襟□每鳴弦架鏑遠近弛張謂古之破葉號猿今足當仁矣公以業□簪組旌戟交輝固欲指掌青雲捧楊白日仕進之廣路官學之多門□躡梯階式爲修立

授試大理司直□寄結僚友□追游孟仲芬葩芝蘭
疊馥豈止趨庭申孝敬之則□節盡周旋之誠遠望
前程熟究邊極豈其彼蒼者天修□無筭巨鱗旣□
煙溟勢窮以大和六年十二月廿五日卒于平陽郡
之私館□□廿有七允子師周鴛駉未識熙怡詎悲
零丁鴈行□□茶感且□中丞□□遷牧通川南北
迢遙山川綿隔□家于□已厯歲時凶訃難飛鵲鴿
增疚仲兄幼直等部辦儀具克叶龜從以明年三月
廿七日□送歸附於京兆萬年縣三趙村東原之大
塋禮也固恐桑田淩谷俄徙星霜庶撫□寶憑不朽

而雕于石其辭云

命運罕知兮杳冥莫測
□□建□兮殲我懿德不可
贖兮永□□春閨元宮兮松栢爲隣

續語堂碑錄

昔耘

耘大和中鄉貢進士

大唐故隴西郡李府君墓誌銘

并序

夫地稱膏壤迺生度用之材家號忠貞必育仁義之
子蓋慶由善積氣自元深在諭物情其義一也府君
諱琮字溫中先曰隴西人也門承台鼎代襲勲崇懿
範令儀生而復稟謹飾挺立孤高莫儔爰自稚齡至

于羈厯抱瑚連之器有老成之風處榮蔭而不自
媒爲貴允而心無所伐曾祖欽皇金紫光祿大夫左
金吾衛大將軍贈太子太保雄名偉望迥冠古今祖
晟皇開府儀同三司太尉兼中書令贈太師間傑之
後特因時生匡國寧人事著貞元之世侑忠奉節名
光圖閣之書父慤雲麾將軍前右龍武軍將軍知軍
事稟靈祚胄挺器英枝韞忠略而候難以行真謀猷
而候時乃進府君飽聆教道足守義方未踰弱年兩
覲銓選位官察職流輩無雙罄勤恪以務公途竭俸
祿而資私養朋友歸美親族稱賢謂若寒松永固凌

霜之質飜如春權旋飛不實之華傾自疾纏暨丐莫
救時大和八年二月一日終官于朝請卽行都水監
丞雲騎尉廿有一何顏子促矣傅父保母哀無輟時
恨存歿之有殊屬穿竇而獲曰誠有可載議刊刻焉
遂命末才俾爲紀述以是年是月十五日墓于京兆
府萬年縣寧安鄉杜光里庶年祀更易陵谷推移希
播餘徽用銘於石其詞曰

貴葉勲枝非爾廼誰挺生秀氣特稟英姿體抱冲和
色踰謙敬宇蓋松寒肌膚玉淨中稱孝謹外伏敦良
威儀自得行義潛彰千里之駒九秋之鶚方富於年

曷爲凋落原儀將設送禮斯陳黃壚日閑萬古千春

續語堂

碑錄

劉礎

礎大和時正議大夫檢校右散騎常侍兼光祿卿上柱國終鄜坊節度幽州盧龍節度使劉總之子

唐幽州節度衙前兵馬使王公夫人故隴西李

氏墓誌銘

并序

夫人諱元素其先隴西人也爰祖及父俱厭名位高尚不仕以從其心夫人四德克修五常無爽鄉黨重其孝隣里傳其行年口九適王公因家于幽州之幽

都縣與其娣姒偕事先姑夫人藝出自然孝秉天性
及姑之病綿歷歲時夫人色不滿容行不正履飲食
湯藥必致其誠裁縫繡畫必盡其力是以先夫人愛
之重之不使離其側每謂所親曰我見此新婦則疾
覺小瘳其敬順之至通於神明矣洎丁先夫人之禍
亦以孝聞有男二人長曰從約次曰從禮有女一人
早歸於礎元和之末穆宗纂位礎自幽州戍倅作牧
南陽夫人愛女隨焉銜命西上旋屬口門長惡姻黨
稱兵音書兩亡倏忽十載九秋明月不照別離之心
三峽夜猿應識悲涼之思粵去年秋七月方達京邑

奔危疑之地登仁壽之鄉室家以和骨肉相保豈期
百花林下未盡歡娛三春節中俄聞哭泣以大和六
年二月廿有九日遘疾終于道政里之私第享年六
十六屬纊之時精神不撓所有遺託其詞甚哀嗚呼
夫人台二姓之好厯四紀于茲事夫稟梁鴻之婦道
訓子法孟軻之母儀持家以正接下以慈命也不造
德之何衰卽以其年五月八日歸葬於京兆府萬年
縣龍首鄉成義里鳳栖原禮也雖音徽昭美已布於
遐邇而陵谷更變或資於述作琢于貞石用紀遺芳
乃爲銘曰

桃之夭夭灼灼其華波美夫人宜其室家既出李宗
嫁爲王婦容止可觀進退可度唯靜唯默以貞以素
誰謂年光忽如薤露成義之里鳳拙之崗寂寂墓門
蕭蕭白楊身葬異國神游故鄉萬歲千秋德音不忘
石刻

賈文度

文度大和時人宣德郎守左春坊太子內直郎

唐故太府寺主簿弘農楊府君墓誌銘

公諱迥字居然其先引農人也纓冕不歇炳煥相聯
雖曰四代五公其後益熾公曾大父玄珪任銀青光

祿大夫守工部尙書贈太子少保大父錡任銀青光祿大夫守衛尉卿駙馬都尉尙萬春公主贈太常卿父暄任中散大夫守光祿卿尙宜口縣主世秉懿德姻襲金枝初任文敬太子廟令奉蘋藻供祭口禮敬必誠嚴謹備至次任左監門衛胄曹參軍口而不固雅而應物克己復禮時然後言次任左威衛胄曹參軍性專靜內敏有幹局無口無爲化成於政次任河中府河東縣尉儉慎端默居官廉恪所口不過一局而政行一邑次任太府寺主簿守位必敬臨事必口口不以悔愆改節爲權豪屈言府君有子二人長子

曰弭次子□□訓以義方敦閱詩禮咸能被服文行
時人稱公善誘善教何期□不福善以大和七年十
月十七日寢疾終於延康里之私第享年五十有三
呼公之沒也志負其願壽違其仁官屈其器君子□
□嗟其□而哀其命嗚呼渭水東注時與之俱音光
緬然何□□矣夫人秀谷縣主禮樂風操家之範也
柔明孝慈天之質也□修采蘋之職□正家節楊氏
之六姻肅九族睦實夫人是賴豈期脩短是歲十一
月十日不勝其哀薨於靈側春秋二十有六後公廿
三日而歿公之難弟前司農寺丞道涕血護喪痛失

雁序謹以歲次甲寅八月己卯朔廿四日壬寅遷公
及夫人靈座合安厝於萬年縣高平鄉高望里附先
塋之禮也猶懼人世陵谷之不可期故刻石誌之冀
其名氏之攸遠也銘曰

瓊樹零落兮秋夜長金枝寂寞兮遺清芳永扃泉戶
兮誠感傷天乎欲問兮徒蒼蒼

石刻

崔鐸

鐸大和時人官閥無考嘗奉使三韓按唐書宰相世
系表清河小房有鐸當陽尉

大唐故興元元從登仕郎守內侍省內侍伯員

外置同正員上柱國朱公故夫人天水郡趙

氏墓誌銘 并序

崇高兮廣大之厚礚礚兮周流之遠浚源長派茂幹
脩柯著于圖牒可得而言也夫人姓趙氏其先天水
人逮乎晉室克纘厥烈播揚芬馥厯世輝耀搢紳之
盛著乎人文炳然昭彰備存簡冊夫人幼稟禮法長
明詩訓閑惠詳雅實生之知及笄而歸于朱氏之門
克承坤順之柔婉婉謙恭之美奉舅姑著雍和之稱
睦娣姒有柔愛之儀垂範可以示後昆立程可以式
九族加之以恭儉施惠愛人以禮慈和溫敬六親儀

形是宜克保室家永綏豐祿良時難再晝哭二十二
年及茲從心專意內典以嗣子奉命雞林三歲然復
疾心疾首六時禮念冥期祐助以福後胤果符神力
保全以歸洎相見時悲倍於喜浹旬大夫寵命日隆
自宮闈令拜閤門使中外相慶咸謂夫人冥求保助
以致於斯旣契夙心吾無恨矣嗚呼方歡娛於色養
遽見悲於夜泉夫人以大和八年四月十六日終于
長安輔興里之私第享年七十有五歸全之日遺命
謂大夫曰汝忠於國又孝於家海外三年吾期重見
於此盡矣更何恨焉啟手足親戚悲號皆若終身之

酷可謂生死之義備矣先府君元和七年卽世權窆于京兆長安縣龍門鄉石井村今以其年十一月十四日改卜新阡重安窆窆于承平鄉大嚴村合祔禮也嗣子朝政宮闈局令充閤門使克承家之景行著揮謙於士流文以飾身武資忠力一心匡主万里前途泣血晄晄杖然後起兩女長適濮陽吳氏先夫人二歲而卒次適彭城郡劉氏晝夜哭泣水漿不入行路感歎殆至毀性鍰嘗忝國命與大夫同赴三韓備聞夫人善德託以敘述不敢飾讓庶紀其梗槩其餘美烈固存乎女史刊于貞石以懼陵谷之變也銘曰

灼灼薜華皎皎如月既歸我里禮法斯設其垂範體

則用光婦德克奉舅姑亦展忠力其永享豐祿宜其

家良白日不駐青松已行其哀哀嗣子崇崇高原冥

翼長夜騁騁在焉其隴隧新啟壽堂初開合祔神宮

永安夜臺其五刻石

明援

援大和中儒林郎試左金吾衛長史上護軍

唐胡府君夫人朱氏墓誌銘

胡府君安定人其先分氏於舜曰胡公滿之後也綿
歷載代英賢顯赫以元和十二年十一月四日十七

稔而終祖考名諱仕進文藻暨府君德行名節男婚
女娉悉具前誌故略而不書夫人族望沛國累世因
時播遷今爲江夏安陸人也曾祖大父載在家謀考
諱壁游心物外守節嚴阿志遂忘情不屑時務可謂
耶園奇士聖代逸人焉夫人卽處士第一女也柔惠
懿淑婉婉雍妍禮樂素諧女工夙解年及乎笄歸于
府君琴瑟克諧澣濯示儉箕帚旣恭蘋蘩式潔閨門
以睦宗族以和中罹府君之艱痛鵲枝之半折恨龍
劍之偏沈撫膺盡哀秉心全節惻愴寒暑載移
於戲吉凶倚伏幽微難明德禮彌高年齡忽落以大

和六年口寢疾明年正月十口日終于江夏郡中和里之私第享年八十有二越二月廿口日合葬于黃鶴山之南原府君之塋遵魯人之祔同皎日之詩禮也嗣子真等皆發刃受鋒觀材見寶孝心塞乎天地而橫乎四海豈止於泣血終喪感深殞絕而已哉以援曾預嚴親之友奉命述其盛德云銘曰

嶺巖黃鶴峰巒旁薄邈迤南岡形勝北翔合祔舊域威儀不忒猗那夫人德禮難倫閨壺朗徹松筠表節地久天長桂馥蘭芳桑田變海貞石不改

古誌
石華

唐文拾遺卷之二十九

榮祿大夫三品頂戴前分巡廣東高廉道加四級臣陸心源輯

李父

父武陽人開成間鄉貢進士按與全唐文二百六十六李父別

唐故處士潁川陳氏公墓誌銘

并序

陳公諱韞字韜光西漢太邱長寔之遠裔也曾祖晏祖口先父澄偕高蹈不仕浪跡人寰以處默爲輪輿以軒冕爲桎梏教垂嗣允德冠我公作隱懸股肱爲口山峻峭峻義方而口屬不聞宏心計而資給豐饒

口用身安降年有永故春秋七十有八矣所宜溢斯

上壽口有中庸誰謂劒沒延津珠貽淮水以唐口成

三年二月二十七日寢疾於江口縣之私室口口口

年四月七日歸祔於順化里黃缺五瑩禮也夫人譙

郡曹氏先公三祀而口口口子口立口瘖綿頓幾不

勝哀服慙經營面垢缺六有禮號慟而行路無聊仁

幸光口以口父口二口口滎陽潘氏婦儀母道自彼

抑揚豈不性口口公口口有自於戲言猶在耳音容

已緘哀口臨岐誰無怨口又以曾蔭德宇忝識前脩

實錄遺芳刻於貞石銘曰

□德門所嗣兮退藏是先名與身孰親兮道在保全
福壽所資兮天降永年遺芳不替而蒸蒸又缺四兮

□□□前古刻
叢鈔

諸葛

大和中人

唐故聚府君墓誌銘

并序

府君諱慶字文悅馮翊人也大和六年青龍在壬子
九月十七日歿蘇州嘉興縣進思鄉私舍春秋五十
祖□曾祖瑫父達家諫具述不書也公卽達長子也
志操孤峙孝友無先雖不夢奠之徵忽生鞋履之別

娶陸氏有子二人長葑次允孚女一人偕血泣柩左
狀疲問於筮兆當年十月廿六日封當縣南甘露鄉
崇福里祖墳禮也恐煙峯及巨溟變改請文勒石詞
曰

悲鴻驚月啼霜天寒雲長夜斗牛懸嗣子哀號望不
還令問遺風光萬年佳城虎踞龍左盤刊文勒銘金

石堅

導拓本

南卓

卓字昭嗣大和二年賢良方正直言極諫科及第官
拾遺因諍諫出爲松滋令大中朝歷黔南觀察使著

有文一卷唐朝綱領圖一卷羯鼓錄一卷

題劉薰蘭表後

余所善房叔豹豹好色得劉薰蘭最爲嬖後卽不復顧他色始余與房晏言薰必預故余得周視薰所舉凡爲言雖尙才功柔戲以樂左右而往往甚正命獨恨對薰蘭凝視之移晷刻將有嘲述卒不能云云顧余才不足當語薰耳十年冬余友沈下賢抵豹居下賢誠才尤精爲太史公言一見其書果能備薰善時余貢於京師豹與張孝標美善言文并挑笑事因錄沈述采余知薰之色而待沈之才才色兩相宜耶故

復叙之以繫於沈左

沈下賢集

呂述

述字修業秘書少監商睦二州刺史著有東平小集
三卷

移城隍廟記

睦州城隍神廟舊在城內西北隅元和初年刺史鄭
膺甫移置於城北門樓上其地舊置州獄及司法官
廳開成四年刺史呂述移獄就六司院東南之隙地
於廢址上立新廟堂屋三間五架階高三尺上設鴟
尾三面行廊聯屬東嚮開門門外造廳一間一廈爲

脩容之所五年正月十九日廟成遷神像焉神坐後
分畫侍衛於左右壁其門左右畫兵仗屏之南北列
木寓馬二階前植松五本門外夾道亦植松三月十
六日大備牲牢雜樂率將吏以落之今紀其祝詞於
後云禮陳八蜡之名曰祭防與水墉事也然則城隍
命祀本在勤人積厚成陰環茲郡國論功校重冠彼
神祇自州城卜遷神位已固訪聞元和首歲移置郡
樓下不在田乖鎮寧之義居無函丈闕鼓舞之容况
乎列卒巡城通宵擊柝往來褻慢啟閉喧呼既違肅
敬之方豈獲幽陰之助述謬膺符守親謁儀形睹籙

豆之虧廢歎祝史之偏窄雖飾以黼帳新其靈衣而
居非所安理合改卜崇墉之內廢址猶存遂剏新宮
式從弘敞丹刻咸畢翬飛有嚴練此吉辰敬遷廟兒
伏願永安閼遂敷祐生靈使封境無水旱之虞牧守
成富庶之績敢申崇奉毋媿聰明云開成五年六月
一日刺史呂述建

嚴陵集

馬目山新廟記

睦州主烏龍馬目二山馬目在州西南勢如驚奔拔
去不得中蓄怪態晏天常陰望之而知其能雲雨也
先是州之右有潭曰層潭其深無至鱗物宅焉因立

廟潭上而馬目顧無之每有禱則附而祝曰告於層
潭馬目之神開成己未歲六月江南大旱述乃致精
意于神曰能雨則立廟越三日晡時雲氣從山來饋
烝牆進空中濤喧俄而震雨隨下自是比旬必雨故
民有半收八月旣霽述沂江四十里而遠躬擇廟位
果有一峯壓江隨水蕩搖蕃茂蔽覆淺濃百色周步
其下絕無徑斬叢攀樛漸得峭脊蛇行而上百數步
抵大石根如圭而頂如壺側視之有木一本十五榦
垂覆三面無地獨其北平可居卜室昭昭乎神之告
寧也乃依勢取高架爲新廟明年三月二日戊寅成

率將吏以釁之盟于瀑流席于香蕪挂豆籩于森疏
響笙磬于蕭瑟燎于煙靄瘞于嵌空揚颿而下過醺
酒祈福信可以畏百衆而雄諸祀也夫祭山曰廢縣
蓋謂或廢或縣置之於山也今述相神之居也本其
義矣尙永資于斯民

同上

顧齊之

齊之開成間處士

一切藏經音義序

慧琳法師俗姓裴氏疎勒國人也夙蘊儒術弱冠歸
於釋氏師不空三藏至於經論尤精字學建中末乃

著經音義一百卷約六十萬言始於大般若經終於
小乘記傳國初有沙門玄應及太原郭處士竝著音
釋例多漏略有西明寺玄暢上人克紹前烈晦明不
倦志甕秋霜之淨心涵止水之鑒乃尋其遺逸蘊而
藏諸焚之以栴檀飾之以綺繡光前絕後駭目驚心
福祉生焉弘利博矣齊之不敏欲窺藏經乃詢於暢
公蒙示音義齊之以爲文字之有音義猶迷方而得
路慧燈而破闇潛雖伏矣默而識之於是審其聲而
辨其音有喉腭斷齒唇吻等有宮商角徵羽等音曉
之以重輕別之以清濁而四聲遞發五音迭用其間

雙聲疊韻循環反覆互爲首尾參差勿失而義理昭然得其音則義通義通則理圓理圓則文無滯文無滯則千經萬論如指諸掌而已矣朝凡暮聖豈假終日所以不離文字而得解脫無師之智肇自心源析疑滯之胸襟燭昏蒙於倏忽真詮俗諦於此區分梵語唐言自茲明白又音雖南北義無差別秦人去聲似上吳人上聲似去其間失於輕剽傷於重濁罕分魚魯之謬多傳亥豕之誤至如四十二字母及十二字音從毗盧遮那佛心生則鳥跡蟲文之所不逮然源流有異音義無殊披沙揀金從理證性性得而言

可遣言可遣而文字亦忘同歸一真如則筌蹄弃矣
上座明秀寺主契元都維那玄測皆精愷真乘獲持
聖典文華璀璨經論弘瞻或道情深遠獨得玄珠或
律行清高孤標戒月上以愜聖賢之意下以旌勤懇
之心因命匪才敬而爲序時開成五年九月十日東洋
刻慧琳一切藏音經義

唐正辭

正辭開成間鄉貢進士

唐山南東道節度惣管充涇原防秋馬步都虞
候正議大夫檢校太子賓客上柱國趙公亡

夫人譙郡夏侯氏墓誌銘 并序

夫人之先譙郡人後移貫深州樂壽縣昔武王尅商
封夏禹之後於杞列爵爲侯伯厥後因爲夏侯氏漢
有滕公諱嬰佐高祖定天下子孫益熾冠冕彌盛國
史家傳粲然可觀曾祖諱載滄州長史祖諱曜試太
子詹事滄景節度都押衙考諱萼試太常卿充冀州
南宮鎮遏兵馬使皆允材茂器移孝作忠夫人紹餘
慶於千年傳遺芳於三代備謙柔之行稟純淑之姿
舉不違仁動皆合禮旣笄年之歲歸于趙氏克叶關
雎之興允諧鳴鳳之求趙公以文武全才述職戎府

公家之事不遑匡寧夫人內睦嫺親外承賓客輔佐
君子清風穆然斯不謂之賢哲之行歟期天降鑒介
以眉壽魚軒象服夫貴妻榮爲龍爲光焜耀閭臺何
啻年始知命奄歸下泉積善無徵吁可痛也以開成
五年六月廿六日遭疾終於襄陽縣明義里之私第
享年五十趙公愬戎涇上式遏西蕃王事靡盬瓜期
未至夫人瞑目之際不及撫床之哀窀穸之辰莫展
臨棺之慟人之知者孰不爲之傷嘆焉以其年十一
月癸酉朔廿四日甲申龜兆叶吉葬于襄州鄧城縣
劫湖村之東皇禮也長子宗立當軍節度散將次曰

宗本鄉貢明經次曰宗元次曰宗式咸稟慈訓且服教義宗立宗元侍從防邊宗本宗式躬護喪事必誠必信禮無悔焉爰以夫人德行來請銘誌琢于貞石庶千載之後徽猷不忘恭副孝思乃爲銘曰

猗歟夫人植操無鄰孝由天性義冠人倫德行聿脩徽猷日新如何不吊奄謝芳塵展矣良夫護塞從軍宅窆有期歸路無因樊城之陰漢水之濱卜得鮮原嶺起孤墳秋草萋萋逝波汙汙德存于石磨而不磷刻石

鄭覃

全唐文七百二十一有傳

請賜五經博士祿粟奏

大學新置五經博士各一人屯田素無職田請依王

府官品秩例賜以祿粟

唐會要九十二

杜元穎

全唐文七百二十四有傳

劾李渤奏

渤賣直沽名動多狂噪聖恩含貸且使守官干進多

端外交方鎮遠求奏請不能自安久留在朝轉恐生

事

冊府四百八十一

封敖

全唐文七百二十八有傳

鄉老獻賢能賦

將此文見文苑英華題封敖名今存其目文
已見全唐文九百四十六卷

修斜谷路奏

當道先准詔令臣檢討卻修置斜谷路者臣當時差
軍將所由領官健人夫併力修置道路橋閣等去七
月二十日畢功通過商旅騾馬擔馱往來七月二十
二日已具聞奏訖其館驛先多摧毀破壞併功修樹

今並已畢臣已散牒緣路管界州縣及牒鳳翔劍南
東西南川觀察使並令取八月十五日以後於斜谷
路過使命謹具如前

唐會要
八十六

崔龜從

全唐文七百二十九有傳

宋昂殿兩選奏

前娶王府參軍宋昂與御名同十年不改昨日參選
追驗正身改更稍遲殊戾勅旨宜殿兩選

唐會要
二十三

王彥威

全唐文七百二十九有傳

進唐典表

臣于太和六年伏蒙聖恩擢授諫官又叨史職注記之暇常覽國史臣輒略其繁文舉其機要起自武德終於永貞撰唐典一部凡七十卷謹詣右銀臺門奉進冊府五百五十五

上元和曲臺新禮表

臣聞禮之所始及損益之文布于前書不敢悉數開元中命禮官大臣改撰新禮五禮之儀始備又按自開元二十一年已後迄于聖朝垂九十餘年矣法通沿革禮有廢興或後勅已更裁成或當寺別稟詔命

貫從權變以就便宜又國家每有禮儀大事則命禮官博士約舊爲之損益脩撰儀注以合時變然後宣行卽臣今所集開元以後至元和十三年奏定儀制不惟與古禮有異與開元儀禮已自不同矣又檢脩禮官故事每詳定儀制訖則約文爲之禮科以移責于百司又約之以供備然後禮事畢舉禮科者名數之總與儀注相扶而行者也闕一不可臣今所集備禮科之單複具供給之司存欲使謁者贊引之徒官長辟除之吏開卷盡在臨文易徵其他五禮之儀式或舊儀所不載而與新創不同者莫不次第編錄竊

以聖朝典禮于元和中集錄又曲臺者實禮之義疏
故名曰元和曲臺新禮并目錄勒成三十卷謹詣光
順門奉表以聞伏乞裁下

唐會要
三十七

盧宏正

全唐文七百三十有傳

題柳泉驛

余自歙州刺史除度支郎中八月十七日午時過永
濟渡邵自度支郎中除鄭州刺史亦以八月十七日
午時過永濟渡從吏部郎中除楚州刺史以六月十
四日宿湖城縣今年從楚州刺史除給事中計程亦

合是六月十四日湖城縣宿事雕偶然亦冥數也南
新書

柳仲郢

全唐文七百三十有傳

唐故柳氏長殤女墓誌銘

并序

嗚呼天不與壽而生不能成其美者我家之殤妹名
老師是也會昌五年五月二十一日殁于昇平里第
享年一十有六兄仲郢見任京兆尹以爲家有世祿
著于族係官諱嚴重不敢口書蓋亦以彰幼而有知
之體粵以六月二十一日葬于杜城村准經制也兄

仲郢揮涕執筆誌其石云

惟我幼妹中和率性粵在孩提自知誠敬名滿姻族
謂宜承慶天何難達福乃遘罄人之有生修短前定
其所陰騭豈不助正今茲及忽綿歷疾病徒言稟授
實獲余聽城南別業□城開逕臨穴于此保爾安靜
常山貞石志

崔杞

全唐文七百三十二有傳

大理寺官犯贓加等奏

當寺官人今後在寺詳斷或出使推案有犯贓私者

請于常式加罪一等餘犯卽准舊式

唐會要
六十六

庾敬休

全唐文七百三十二有傳

制置除陌等錢奏

劔南東川西川山南西道每年稅及除陌錢等伏以
劔南道稅茶舊例委度支巡院句當權稅當司於上
都召商人便換大和元年戶部侍郎崔元略與西川
節度使商量取其穩便遂奏請稅茶事使司自勾當
每年出錢四萬貫送省近年以來都不依元奏并三
道諸色錢物州府多逗留不送皆不稟奉今請取江

西例勾當於歸州置巡院所自勾當收管諸色錢物
送省所冀免有懸欠仍令巡官李濟專往與德裕遵
古量商制置續具聞奏

冊府五
百四

劉寬夫

全唐文七百四十有傳

論陳祐自引罪奏

昨論祐之時不記得先後唯執筆草狀卽是微臣今
既論事不合臣甘當罪若令尋究根本自相推排恐
或還相誣執有損事體凡所論差誤臣盡甘當罪

要五
十六

崔琪

全唐文七百四十一有傳

禱雪終南廣惠廟奏

畿內去冬少雪宿麥未滋今欲差少尹於終南廣惠
公廟祈禱諸縣各委令長於靈跡處精誠祈請冊府

李漢

全唐文七百四十四有傳

舉人不試詩賦奏

准太和七年八月勅貢舉人不要試詩賦策且先帖
大經小經共二十帖次對正義十道次試議論各一

首訖考覈放及第

唐會要七十六

周太元

全唐文七百四十四有傳

雜物結贓估斷奏

准制條云雜物依上估絹結贓所犯若干匹並無估
定計折字者伏以監利物與兩稅物好惡有殊一例
科決慮憂有屈今請盜換兩稅綢綾絹等物請依元
盜換匹數結罪科斷更不估定如盜換監利物雜麻
布焦葛匹段絲綿紙及諸色進貢物不是兩稅匹段
等請准法式估定數依上絹結贓科斷

唐會要四十

楊歸厚

歸厚扶風人元和中自左拾遺貶鳳州司馬歷官鄭
號二州刺史工書法受之皇甫闕

鄭州置驛路奏

當州郭下管城不置在州城內使命往來出入非便
伏請准汝州例置驛路於城西

唐會要
八十六

馬植

植字存之第進士補校書郎開成初爲安南都護清
淨不煩洞夷安之宣宗初同中書門下平章事終出
武宣武節度使

升武陸縣爲州奏

當管羈縻州首領或居巢自固或爲南蠻所誘不可
招諭事有可虞臣自到鎮以來曉以逆順今諸首領
願納賦稅其武陸縣請昇爲州以首領爲刺史唐會
要七
三十

請給杜存誠印奏

當管經略押衙兼都知兵馬使杜存誠管善良四鄉
請給發印一面前件四鄉是獠戶杜存誠祖父以來
相承管轄其丁口稅賦與一郡不殊伏以夷貊不識
書字難憑印文從前徵科刻木權用伏乞給發印一

而令存誠行用

唐會要
七十三

黃綯

綯鄉貢進士

朝散大夫使持節韶州諸軍事守韶州刺史上

柱國陳府君墓誌銘

并序

嗚呼陳府君能收韶陽挈家東還遭疾終于道喪及
乎故里其姻家有濟南五經晔造吾廬曰熟子以文
自重素矣今陳府君實番禺支侯有朱紱皂車之貴
將歸骨地下欲吾子爲誌諸美盛備乎陵遷斯足以
波振雄藻耳愚曰夫文之所以可觀者在乎無苟毀

譽故得其道則爲文失其道則爲詩愚之所重者蓋
守其道安敢以已爲乎且古之名器不虛假人故二
千石爲重今四方多梗國家用兵有執政者務足
曰國力所以入什者半蹊於財利裂壤者多出於權
族濯豎而巾抑足以富有方土矣是則府君於古實
爲盛於今實爲室儒之職固願伸白其道編次于文
安俟濟南生孜孜過其詞以相勸乎於是聳然執筆
而唯命曰

府君諱讜字昌言其先潁川人太邱宰仲弓之後也
晉末避亂于閩因而家焉曾王父護同州司馬王父

福侍御史內供奉皇考憲大理評事贈兵部郎中皇
妣彭城劉氏贈彭城郡君自同州司馬至兵部郎中
皆性於高逸不以爵祿自拘鏘匱德於己發爲禎符
以鍾于府君府君爲兒時便知不以沙土戲玩岐嶷
有志欲大其門求司馬子長而下三家書外其身以
窮之披卷釋然洞得心髓裴公帥閩日嘗大器之命
與子弟處子弟卽故相國公坦也年中乃西與計偕
以發世奇蓄遇公道大開聲光崛振僅及口舉遂擢
高科時尤重其名榜下授秘書省正字後歷調授涇陽
尉後又尉奉天江夏令其同寮以道相知許者莫匪

名賢鳴玉鏘金迭登朝右不可殫紀顧公汨沒常調
皆不自平欲拔在班行間公切於問安堅乞一官還
家遂授此府長史朝彥嘉之相率以詩爲贐紹愷緇
帙到今街童巷妾亦能榮而歌之未去於口公及釋
夏服久之方起瑩壠會故相國裴公時節制襄川章
行業上聞遂授春州刺史公旣蒞止以公爲家以民
爲子撫而理之咸飽其賜如乳飯口朝廷能之復命
牧韶之人復若春之人禮讓大興於蠻貊風謠洋溢
乎遠邇咸曰吳隱之之投香王子貢之止水蓋異跡
而同德耳公前娶于汝南周氏奉嬪君子內助宏多

不幸中年與物先化後娶于范陽盧氏封范陽縣君
皆華族令儀蘭芬玉映中饋增輝他族取則汝南夫
人有女四人長適于濟陽蔡漪次適于汝南童珣次
適于高平邵殷次適于彭城劉極皆抱器懷才爲州
呈椎美而復在瑤席之選焉范陽君有子一人曰渥
有女二人渥天與英敏志專傳業居喪逾禮孝感有
聞吾知敬仲之風其將復振矣弟二人仲曰□處性
沖厚時譽暢茂恩授幽州昌平縣令季曰誨舉進詞
學優富流輩多宗之命不偶時累戰失掾鄭司空愚
辟署南海掌記試秘省校書親舅全正鴻少卿次全

交前開元禮見任河南清縣主簿內弟知新三禮登
科見任陝州司馬皆搢紳上流當代名士故具于是
以明中外之盛耳噫公之名德富於身功利流於人
朝廷方將大用之以爲諸侯標鏡位僅止於專城身
奄謝于南陬得無痛惜哉時享年八十有三葬于候
官縣葛崎之先塋禮也黃氏子旣伸白其道乃掩袂
薦之以銘曰

鳥有鳳獸有麟雖居處之非異蓋凡聖之非倫山爲
波石爲塵遺耿光而泯

續語堂
碑錄

柳正元

正元開成四年爲開廐宮苑使終大理評事

啟停宮苑使料錢奏

當使東都留後知院官鄭鑑每月院司給料錢三十
四貫文兼請本官房州司馬料錢今請於使司所給
料錢數尅減十千添給所由二十人糧課巡官二人
請勒全停郢州舊因御馬配給苜蓿丁三十人每人
每月納資錢二貫文都計七百二十貫文其州司先
以百姓凋殘闕本額量送三百九十六貫文今請全
放當管修武馬坊田地伏准太和二年河陽節度使
楊元卿奏請權借耕佃充給閑用今緣安利一軍伏

請永配主管伏以當司應屬東都宮苑閑廐事務管
係舊額名數尙多苟在影占之門是啟非違之路但
係務繁地遠訪察尤難况推禁罪人動經旬月因緣
流滯移牒用情事務委留守主管曹司煩職官吏冗
名俾無尸素之員又去申報之滯其東都院每年合
送宮苑使加給錢一百二十千文亦請停送當司方
圖羨餘自備課料伏乞聖慈允臣所奏

唐會要
六十五

李固言

固言字仲樞擢進士甲科累官戶部郎中進給事中
尙書右丞出爲華州刺史大和初召爲吏部侍郎九

年進門下侍郎同平章事屢出爲節度使終右僕射卒年七十八贈太尉

監倉御史五日一入倉奏

監太倉殿中侍御史一人監左藏庫殿中侍御史一人臺中舊例取殿中侍御史從上第一人充監太倉使第二人充監左藏庫使又各領制獄伏緣推事皆有程限所監遂不專精往往空行文牒不到倉庫動經累月莫審盈虛遂使錢穀之司狡吏得計至於出入多有隱欺臣今商量監倉御史若當出納之時所推制獄稍大者許五日一入倉如非大獄許三日入

倉如不是出納之時則許一月兩入倉檢校其左藏
庫公事尋常繁鬧監庫御史所推制獄大者亦許五
日一入庫如無大獄常許一旬內計會取三日入庫
勾當庶使當司公事稍振綱條錢穀所由亦知警懼
唐會要
六十

知彈御史專掌京城奏

知彈侍御史自京城百司及天下諸州府等公事應
關文法者皆先申臺司舊例配知彈侍御史一人專
掌其事至朝日入閣又對仗彈奏中外臣僚不如法
者事最繁重又須詳精一人當之實恐不逮臣商量

請知彈御史一人專掌京城百司公事皆彈侍御史
一人分掌諸州府之事庶使官業脩無所遺闕

唐會

要六十一

張諷

諷大和中爲刑部員外郎吏部郎中夔州刺史

議親議貴奏

其一議親曰皇帝至太皇太后皇后親有內外服同
者皆在議條伏以親疎之序既有等衰卽雨露之恩
皆宜沾洽此實皇王大猷自家刑國親九族協萬邦
之旨也近者絳州刺史裴銳所犯賊罪至深陛下以

太皇太后之親下尙書省集議此乃陛下知刑賞之
理重與衆共之伏請今後親有任刺史監臨主守犯
賊罪得蒙減死者必重其過直以賊罪爲汙累定刑
流決外其後子孫並不得任理人官及爲監臨主守
庶得家知其恥人革非心其一議貴曰謹按禮經貴
謂近于君也非獨高秩厚俸之爲貴今後刺史非在
朝文武職事三品官任者於所部犯賊抵死罪並不
得以刺史品秩議貴徵司議條免所犯罪如先任在
朝三品合在議條者卽准議親條決流外子孫並不
得任理人官及監臨主守如有法官及本官推官不

詳官品妄有引議請科違勅罪其功勤寘故等有犯

贓罪同者並請准親貴之法

唐會要二十九

李衢

衢大和中屯田郎中修玉牒官

進皇唐玉牒一百卷著
皇室維城錄自王唐新譜

玉牒特創嘉名奏

竊以聖唐玉牒與史冊並驅立號建名期于不朽伏

乞付宰臣商量於玉牒

之上特創嘉名以光帝籍

唐會

要六十五

崔鄆

鄆第進士累除刑部郎中遷吏部侍郎由宣歙觀察

使入爲太常卿文宗末改中書侍郎終淮南節度

旌陳珽五代同爨奏

溧陽縣百姓陳珽五代同爨請蠲除賦稅旌表門閭

冊府

滕珣

珣大和三年以右庶子致仕

乞給券奏

伏蒙天恩致仕今欲歸鄉家在浙東道途遙遠官叅
四品伏乞特給婺州已來券庶使衰羸獲安光榮鄉

里唐會要
六十七

呂貞儉

貞儉開成中進士

陳少公亡太夫人蔣氏墓誌銘

并序

夫人族本樂安郡鄆府節度押衙兼御史中丞裕十
七代孫派流遠裔簪紱相承祖皇虔州瀾縣尉父政
好游山水志考詣文弃業從途終于虔州夫人卽公
之第四女也少而孤露育于母手每思其親常哀咽
不食而竟夕繇是親戚咸哀而異之性直寡言喜怒
未常見於色及笄歲嬪于陳氏性仁溫孝能奉舅姑
於娣姒之間偏休撫愛姑常謂之曰蔣氏新婦解吾

意每所動用皆合吾心此乃婦德也有子二人男一女女出侍江家男季端娶故徐州彭城縣尉劉氏第三女也有孫四人長孫師貞次孫宮十李老金娘等自夫人於開成五年六月中旬臥疾伏枕至今春漸將逾殓知口期向終顧爲其男曰吾氣力頓衰殆將不起夫禮節廉讓汝粗知也吾終之後汝主奉家業當謹節溫勤無至哀毀此卽吾瞑目無憂子遺此示向卯而終享齡六十九矣以其年春二月十三日甲寅寧神卜兆于江陽縣嘉寧鄉北五乍之平原禮也嗚呼泉扃一奄邈于千古蕭蕭松栢煙伴愁雲宵宵

孤魂路乖親戚嗣子季端恐陵谷千變乃尅石紀銘
其詞云爾

其一日 漠漠春雲歸無處所悠悠大川賢愚一路夫
人德行奄忽朝露刻石紀銘以永千古

其一日 恍恍

魂遊逝水森森墳簪荒川望口雲兮氣絕號呌聲咽
空原會昌元年二月十日日記刻石

趙博齊

博齊大和間人自署口陽隱士

大唐故朝議郎河南府登封縣令土柱國賜緋

魚袋崔公墓誌銘

并序

忠信篤敬天爵也淵默誠慤者有之卿相祿位人爵也運機□□者得之至於志意脩而驕富貴道義重則輕王侯由是論之人與天一何遠哉今見之於崔公矣公諱蕃字師陳魏郡博陵人也自食菜受氏世有明哲子玉以座右顯季珪由屏風著或以春秋筆削自任或以嫉惡鷹隼興謠後魏定姓氏族爲第一風流熾焰以至公大王父元隱皇朝比部員外郎王父誦華州司法參軍父澣少府監贈散騎常侍皆以清重稱美首冠士流於戲侯王不繫其本根鳳鵠必生於丹穴公卽右貂之仲子也早以門蔭補□文館

學生試經高第授華州參軍歷攝諸曹若素更練方
辯才之適用也次授鄭縣主簿未上邁內艱色慘神
傷泣飲而哀衣裳外除猶杖而起久之方調授鄭縣
尉不樂煩劇辟疾就選授左金吾衛錄事參軍蘭錡
□清聯獲殊寵以政治脩舉爲樓煩陳公所辟爲監
牧使判官奏大理評事公勤績著羣牧孳息轉大理
司直兼殿中侍御史陳公改遷又爲後使郭公邀留
奏殿中侍御史遷監牧副使驕駟駿服御稱旨特
加章服以報勲勞朱紱煌煌益光寵命郭公以稱望
彌重非外□所堪上表薦聞除河南府倉曹叅軍秩

滿調集天官又以才出九流記名宰府眾謂此時必
居廊署執政失鑒除登封縣令咸共冤歎公獨欣然
之官二旬遂至顛殞大和癸丑歲閏七月三日啟手
足焉享年五十有九夫仁者必得其名必得其壽宰
輔不至耆傳尙遙稽驗前志一何爽也公率性閑暇
襟抱澄曠弱不好弄樂道遺榮自初至長不易其操
德宗韋賢妃公之從母也恩榮重沓缺四竟以冲退
不受其榮家貧位卑斷可識矣娶河南于氏有子二
人長曰口約挽郎出身次曰閻六歲與名齊戲罷輒
啼傷心何極有女口人長適太原王氏餘未及笄皆

泣血呼天行路哀歎季弟著檢校太僕少卿□州
駕手足情重灑淚盈襟撫孤奉覲以其年十一月八
日歸葬于京兆□□縣寧安鄉曲祔先塋也博齊與
公少相狎長相愛芝焚蕙歎吾□□□用感生平泣
而銘曰

孔周之劍不能煞人光含冰雪問匣生塵上稽往古

藝絕無隣

缺六字

今辰岳岳登封深懷至仁垂髫啟手

不喪其真道非偶運不執□□身爲帝戚且復居貧
冲謙抑退安此沉淪緒傳萬祀孰不書紳少陵原畔
萬木無春唯餘令德終天不泯

石刻